

機莊詩集

楊淞題



05

棋
茨
詩
劍



同
日
開
離
手
觀
門

敘

京師爲天下文人淵藪臺閣之彥胄監之英吳楚閩粵
燕齊秦蜀之士霞蒸而雲集天津密邇京師聲名文物
爲畿輔要區吾友華梅莊實產於此曩與寶坻高寄泉
任邱邊袖石樹幟詞壇稱畿南三子者也歲戊戌晏在
都門與梅莊同寓客邸賞奇析疑始訂交焉時於宣南
坊舍與漢陰溫東川檢討仁和錢冬士農部鎮江李晴
湖廣文曲阜孔繡山孝廉凡十一人爲詩酒讌集梅莊
繡山年最少梅莊贈晏詩云儀廩文章妙斬新何如淮
上有傳人千秋子建逢知己屈宋心思託洛神蓋指余

梅莊詩鈔

序

一 東觀室

所撰陳思王年譜也憶昔晏年廿四受知於蕭山湯夫
子貢入京師主同鄉汪文端家嗣後公車留滯所識多
海內知名士樽酒論文於問學深有助焉丙申夏曾與
宜黃黃樹齋歙縣徐廉峰晉江陳頌南甘泉汪孟慈爲
江亭展禊之會吾友湯海秋郭羽可黃香鐵張亨甫蔣
子瀟潘四農許印林輩凡十六人各爲詩文以紀之固
一時之盛也今忽忽已十年矣樹齋侍郎頌南給諫先
後解組歸里廉峰亨甫海秋四農俱中年隕謝東川孟
慈繡山諸君或羈宦遠方或客游他省皆不得一見獨
梅莊佐幕金陵頻歲過淮藉得時親緒論以詩文相切

劇天假之緣何其幸也夫有聚必有散者人情之常耳
然而簪纓之會車馬紛闐闐之交骰截雜遝方其聚
首拍肩酬酢甚密及其去也如雲飛鳥散杳不知其所
之惟文字交經一二十年雖境過情遷未能忍置江雲
渭樹時時繫之於懷以此知問學之友與勢利之交果
不可同年語也梅莊能文章工篆隸著述甚富近哀所
爲詩十六卷屬序於晏晏與梅莊有契交之雅夫何敢
辭惟余戢影淮涘絕跡金臺無復進取之志而梅莊發
爲詩歌潤色鴻業備承明著作之選伫見翱翔京師接
天下之賢俊講求濟時經畫坐言起行以副其生平所
學此編不過嘗鼎一臠云爾山陽丁晏

梅莊詩鈔

序

二 吏觀室

髫年從雲巢舅氏讀書外家授予唐人五七言及青邱
五律年十四五在家塾從董梧侯師學作詩文家藏唐
宋來詩集最富師才思敏妙酷似溫李冬郎常鈔選歷
朝及 本朝吳施朱王查袁諸家詩數十卷予每竊窺
卽心焉好之而未得門徑也師與樊文卿先生年皆未
盈三十已卓然成家推津門兩巨手迨予弱冠拜從余
階升師謬蒙以詩賦見許嘗終朝成八韻詩三首同學
訝然輒戲呼予爲詩翁是年應童子試者十餘人祇予
一人得入泮道光丙戌鄭夢白觀察集闔邑諸生月課
以古文詩賦予得與梧侯文卿兩先生常並列超等始

梅莊詩鈔

一 東觀室

知肆力于詩庚寅受業于梅樹君師沾上詩家與慶雲
崔念堂同爲張船山先生門下士也時予專攻舉業而
友朋贈答懷古詠物亦未嘗廢也壬辰後讀禮家居始
與邊袖石訂交袖石年少氣盛淵博穎銳詩筆迥不猶
人甲午乙未間互相淬厲頗得他山之助辛丑南游金
陵依舅氏十載得交海內詩人不祇丁柘塘孔繡山也
時馬鶴船僑寓金陵亦騷壇奪席者詩無體不工評定
尤細予南船北馬詩每得諸道途至于衙齋兀坐樸金
石校說文考證經史詩又不多作矣丙午南游蘇杭紹
興得詩一卷辛亥滯大江游黃州武昌歸舟復由皖至

汴遇王子梅倡予和汝亦足樂也癸丑同賀杏棧出居庸關由宣大赴太原又得詩一卷甲寅出渝關抵開原相與談詩者遂無人矣冷齋獨學尚友古人而已當是時同寮中工詩賦駢體文者祇王雪庵一人而遼東能詩者又得兩人一爲遼陽劉仙樵一爲鐵嶺魏子亨皆與予友善泗州傅味琴亦久幕瀋陽以駢體詩古擅長者也今則風流雲散差喜與故鄉老友姚菊坪同寓旅館話舊論詩有不可多得者矣次兒鼎元供職京師請刊予舊作爰鈔輯嘉慶庚辰迄咸豐辛亥詩刪存得一千三百餘首先付剞劂其壬子至今又有二千餘首仍

梅莊詩鈔

二 東觀室

存篋衍予詩隨意謳吟直抒胸臆多淺率鄙陋語原不足以災棗梨然綜計生平由少而壯壯而老得力于師友之益者良多何敢一日忘故歷述之俾讀予詩者可以識性情之所近焉同治己巳端陽長卿自識

梅莊詩鈔目

卷一

先庚集 一百三首

卷二

庚庚集上 一百十首

卷三

庚庚集下 八十三首

卷四

嗜痂集上 九十八首

卷五

梅莊詩鈔

目錄

嗜痂集下 一百二十一首

卷六

三庚集 九十二首

卷七

南行草 七十五首

卷八

白門集 八十三首

卷九

江中吟 六十五首

卷十

一 東觀室

白門續集 八十一首

卷十一

返櫂集 六十一首

卷十二

借帆集 五十九首

卷十三

萍梗集 五十五首

卷十四

於越吟 五十九首

卷十五

梅莊詩鈔

目錄

二 東觀室

賃春集 九十二首

卷十六

于役草 七十四首

右詩鈔十六卷家大人著也家大人博通經籍精熟史鑑詩古文詞特餘事耳是編爲任邱邊袖石當塗馬鶴船兩先生鑒定少年所作十存一二中年所作十汰二三選擇精當頗稱平允歲己巳鼎元宦居京師爰取是編細心讎校授之手民開雕于己巳五月葺事于庚午三月其餘經解史論及文集詞集俟續刊云同治九年三月男鼎元敬識

梅莊詩鈔卷一

庚辰至己丑

先庚集

天津 華長卿 枚宗

樓中望春

庚辰

粘天芳草映紅橋
閒倚樓欄看畫橈
千樹桃花半潭水
縱無離別亦魂銷

郊外書所見

春約詩人去名園
幾度過落花深巷
老飛絮板橋多草
閣開三面漁船泊
一河天桃看未了
殘照浸清波

西郊偶成

枯草寒煙繞墓門
殘陽黯澹照荒墩
帘飄獨樹臨河店
梅莊詩鈔

卷一

一 東觀室

犬吠疎籬落葉村
怪鳥隨人尋鬼跡
荒池埋骨縮潮痕
碧燐夜夜明于火
知有沙場戰死魂

巫山高

巫山接雲漢
望望有高臺
宋玉不作賦
神女何時來
雨氣黯巫峽
仙風吹不開
幽夢無跡尋
但聞猿聲哀

秋暮游望

古道無人野菜香
隔河烏相染新霜
清溪落葉隨流水
茅舍疏籬帶夕陽
破廟狐繙經半卷
斷碑落繡字三倉
王孫莫問蕭蕭草
一度秋來一度黃

小園

辛巳

小園春晝閉門時
四壁陰濃夢醒遲
滿院海棠無客到
碧闌干外雨如絲

讀史雜詩

庭花玉樹歌千古
王氣金陵送六朝
到底狂魂終不滅
胭脂井畔教吹簫

宮女爭誇巧樣妝
鬪雞臺上夢淒涼
景華宮殿埋荒草
誰放流螢過短牆

馬嵬坡下草青青
羅襪香生死後靈
南內至今明月好
並無人唱雨霖鈴

可憐艮嶽成焦土
馬上追填絕妙詞
五國城邊沙似雪

梅莊詩鈔

卷一

二 東觀室

夜深猶夢李師師

秋暮晚眺

夕陽城郭漲炊煙
海氣全銷卯色天
僧寺飢鶡投壞木
漁家破網曬空船
詩情漭漾邀吟侶
酸態模糊問酒仙
措大無端爭好古
錦囊貯遍五銖錢

冬晚卽景

負郭河流急冥濛
野色昏人煙橋外市
燈火樹間村
霜冷烏嘯月天寒
犬吠門沽來新釀
酒排悶強開樽

馬上書所見

壬午

穹野平如掌
寥廓無四極
白日照行人
彳亍古道直風

吹車鐸聲仄逕多荆棘策蹇過危橋攬轡無人識遠望
有荒村野店枕谿側帘影寫香醪黯澹斜陽逼下馬倚
長劍寒氣填胸臆酒味淡于水飽啗藜藿食惡艸不適
口饑僅殊難得道逢一丐者狀類含沙蜮短褐不蔽體
面目深黧黑向人伸鬼手一錢尙可值安得干銅山速
救斯民亟生者聞之樂死者長太息吁嗟溝壑中朽骨
紛如織

三婦豔

癸未

大婦采蓮子中婦采蓮花小婦蕩桂槳照水還自誇瞥
見綠鴛鴦交頸睡晴沙

梅莊詩鈔

卷一

三 東觀室

五君詠

淳于髡

青齊有贅婿酒後無不可髮禿薄簪纓口張類炙輶滅
燭客盡散坐中留一裸放眼海岱間管晏皆么麼

東方朔

歲星照炯炯譎諫千載無割肉遺細君毋乃類狗屠餓
骨飢不死果腹鄙侏儒乃知古神仙不盡在江湖

司馬相如

登徒雖好色未解其中妙倦眼過臨邛琴心遇同調消
渴有文君酒人定狂叫三復白頭吟傾城豈在貌

禰衡

大兒爲孔融小兒爲楊修鼓聲懾老瞞目無廚顧儔狂
才生亂世懷刺何所投殺身始成名含笑鸚鵡洲

李白

天末有酒星墮地光千里詔賦清平調君臣訂知己巨
眼識王侯雄名壓詩史拋卻青蓮筆甘學靈均死

大水

一片桑乾水奔流萬馬聲蛟龍起滄海風雨撼孤城浪
捲荒邨沒潮來壞樹平何人獻奇策買讓涕縱橫

古寺

梅莊詩鈔

卷一

四 東觀室

怪樹集寒鴉空房跳飢鼠古寺靜無人風吹塔鈴語

和十二叔父病中遣興元韻

甲申

慣飲韓康藥重煎顧渚茶月光窗外雪梅影鏡中花舊
夢留詩稿新愁問酒家阿咸吟思苦獨有步兵誇

絕句

雨絲雲片攪清明夢醒朱樓聽曉鶯楊柳如煙春似海
酒旗風裏賣花聲

擬五月耕織詩

田園當仲夏繡陌含煙長一犁足甘雨臺影聚朝陽矯
首望白雲卓午汗如漿灌園有桔槔宛轉聲悠揚柴門

臨水側楊柳夾成行榴花紅照眼蒲艾滋青蒼把酒荳
棚下笑語出短牆幾日隴頭麥薰風吹餅香

嫁作田家婦炎夏尙紡績憶昔養蠶時箔上鋪蘆荻不
眠飼桑葉吐絲聲寂寂煮繭午風香汲泉曉露滌機聲
勞軋軋孤燈照四壁破屋溼雲埋暑雨苦淋瀝羨彼紅
閨女不禁珠淚滴裏徧綺羅身誰解當窗織

高臥

高臥北窗眠神游小洞天一簾通鳥語半榻颺茶煙月
影清隨夢花香妙入禪牀頭有村酒不用阮囊錢

擬太白襄陽曲

梅莊詩鈔

卷一

五 東觀室

斷雲和雨來峯頭峴山萬疊青于油古城坐擁檀谿水
石尤風吹行人舟行人到此多駐足殘陽掩映魚鱗屋
至今不唱白銅鞮水色依然春酒綠春酒年年解醉人
景升臺畔草橫生可憐鸚鵡空留賦斷送平原禰正平
荒沙曲岸多奇樹依稀王粲宅邊路萬古酒人夢不歸
習家池館還如故詩魂不復識蕭梁選樓帝子今何方
漢皋解佩逢游女別有花邨號木香吁嗟平生不能識
韓荆州死當封我醉鄉侯醒不能跨黃鶴游但見到處
皆我之酒樓漢陽樹魚梁洲此身江上一沙鷗古來勝
境皆如此襄水東南日夜流

宿古寺

古寺臨河岸蒼涼早得秋殿深禪座冷佛老夜燈幽拜
月狐升墮敲鐘鬼上樓誌公愛詞客借榻任句留

感遇 乙酉

梅花生空谷根株堅似鐵抱此歲寒心吐萼凌冰雪豈
無桃與李妖豔爭求說繁華能幾時潔白志不屑山靜
色彌澹天寒香自別但願明月照何須美人折

弱冠讀詩書頗懷廊廟志致君如堯舜始了平生事願
大每難副媿無過人智翰墨誤蒼生何貴祕書記迺知
名公卿繇來不識字

梅莊詩鈔

卷一

六 東觀室

親者日以疏疏者日以親世情多顛倒顛倒繇婦人託
身在華胄動輒恥賤貧寒峻視富貴霄漢澹浮雲富與
富者親所親在金銀貴與貴者親所親在搢紳金盡書
種絕視之如路人

江河流萬古滔滔無盡時夏雨漲百川不久涸深池源
遠流不息物盈輒易虧寄語望洋者無本不足師

孫陽旣棄世世遂無孫陽冀北多良馬伏櫪思邊疆黃
金土同價頑石玉爭光苟有芻秣恩生平不敢忘誰于
風塵中卓識辨驪黃

四月十七日夢中作

亂緒如潮湧，尋春到廢園。
殘陽留樹影，破屋覓詩魂。
徑僻花生石，庭空草上垣。
幽蹤偏寂靜，日色冷柴門。
信步上沙隄，崎嶇路欲迷。
水環荒寺外，花落板橋西。
室靜枯僧坐，林深怪鳥啼。
行行無處宿，回首白雲低。

田家

田家逢樂歲，徧地稻梁肥。
草色潤朝雨，菜香含夕暉。
烏鴉爭樹噪，黃蝶繞籬飛。
馬上鞭遙指，孤帆天際歸。

通州

青青山色繞河流，古道緇塵撲馬頭。
指點夕陽煙外樹，一尖塔影是通州。

梅莊詩鈔

卷一

七 東觀室

登高

九日上高閣，遙空一望寬。
林中疎木葉，天際隱山巒。
秋色人煙老，河聲落日寒。
好憑風兩袖，振羽學鵬搏。

正月十九日記夢

丙戌

夢中人不覺，夢裏竟何之。
快讀有聲畫，閒吟無字詩。
山川非熟路，花柳記年時。
欲問桃源客，相逢似故知。

春日郊游

負郭多栽柳，春風水一灣。
沙隄明似雪，煙樹暗如山。
寺古有佛坐，巢空無鳥還。
夕陽將盡處，惆悵白雲間。

長夏

長夏不知夜，眞如入定僧。怒蛙喧急雨，健鼠瞰昏燈。凭几抄詩卷，杜門辭友朋。養閒兼養病，面目有誰憎。

陸氏小園

綠樹成陰一徑遮，讀書客去鳥空譁。夕陽小院無人到，鄰女攜童來摘花。

夏夜露坐

夜深風露覺，獨自坐中庭。鐙影穿窗見，碁聲隔壁聽。水明疑上月，螢遠欲迷星。花氣消殘暑，宵光冷畫屏。

枕上口占

蕭齋滅玉釭，別院停磁杵。深夜靜無聲，寒蛩相對語。

梅莊詩鈔

卷一

入 東觀室

庭中有奇樹

庭中有奇樹，枝葉何青蒼。不堪持贈君，聊以慰所望。相隔萬里遠，別離意轉長。欲折須折盡，莫待飛秋霜。

杜門

杜門謝俗客，書史卽生涯。知已無如月，多情惟有花。愁深人似佛，病久藥爲茶。骨瘦怯風冷，重重掩碧紗。

大筆

如椽大筆震騷壇，落紙淋漓眼界寬。萬古文章歸掌握，一生福命蘊毫端。勁搖五嶽譚何易，橫掃千軍臧已難。燕許高才西漢手，鳳樓聲價滿長安。

大樹

識得將軍舊姓馮南陽佳氣鬱葱葱會棲鸞鳳陰仍滿
縱臧虬虜勢更雄過眼六朝成大器聳身百丈起秋風
十年未上邛邪道枝葉于今又不同

驄馬行

懸光入陣道路開追風掣電驍騰來縱橫萬里無人敵
安西都護眞奇才青驄一出駑駘奮鐵甲邊疆思叱撥
昂頭不肖受人羈抱才未試心如渴玉鞍金絡纏身早
踏碎胡沙齧枯艸霧鬣曾掀天桂山霜蹶復躡交河道
一時聲價震長安此馬休作他馬看皮毛瘦脫錦纏帶
梅莊詩鈔

卷一

九 東觀室

壯心猶在關山外

登樓有懷沈桂舫孝廉

維鈺

登樓一長望今古各相催斜日水中落好風松下來多
情惟沈約與我共裴回思爾不相見何時酒一杯

秋夜

醉餘人定後秋老夜如年竹影半簾月茶香一榻煙挑
燈題舊畫倚枕讀殘編瓶插黃花好深宵伴我眠

塞下曲

匈奴昨夜度陰山烽火興師指顧間百萬貔貅飛不到
笳聲先出玉門關

前軍今已駐涼州匹馬從戎敢暫留莫笑書生無策略
侯封不許大刀頭

聞道軍中有二楊威名先已震燉煌漢家土地千金值
不教單于死戰場

獵獵西風吹戰袍雪花如手滿弓刀皋蘭河北全軍覆
露布猶聞汗馬勞

休洗紅

休洗紅洗多紅在手一幅舊羅裙十年新嫁婦昔時玉
指殊纖纖如今刺繡鍼難拈

休洗紅洗多紅變黃枯柳有衰葉殘花無豔香點脂傅

梅莊詩鈔

卷一

十一 東觀室

粉今都舊腰支劇減十分瘦

擬左太冲詠史

南山有丹鳳翩翩鳴高岡北山有紫芝爍爍發奇光華
胄生英俊嶄然氣軒昂俯仰千萬載雲漢皆文章常懷
班定遠投筆志四方又懷馬文淵立功在邊疆未能脫
穎出毛錐甘處囊相知在意氣金石爲中腸

我有松柏心取容恥脂韋爾有金玉音日月爭光輝高
步追龍比百世仰芳徽肝膽期相許視死眞如歸羞爲
黥彭醢弓藏烏倦飛左晒皋蘭山草荒馬正肥

才華凌昭代英風追太始高才兼捷足功名拾青紫朝

讀古人書暮接天下士好客平原君翩翩佳公子馬卿
未遇時貰酒成都市英雄不得志千古無殊軌作賦擬
班揚吟詩繼蘇李一字抵千金價貴雒陽紙

交情無今古相知在心血送客萬里遠攜手河梁別易
水生暮寒蕭蕭慘風雪快哉博浪椎傷哉漢臣節魯有
奇男子田橫殊英烈高風直到今海水聲悲咽

朝采首陽薇暮摘湘江蘭蘭香正可纫薇苦不忍餐別
有山水音箕穎成古歡吳門隱仙尉繼者嚴陵灘離蔬
釋屣易急流勇退難四海少知己寸心誰識丹側身江
漢小縱目天地寬富貴等浮雲遼東管幼安

梅莊詩鈔

卷一

七 東觀室

驅馬登太行舉首凌滄洲白日谷中沒黃河天外流輟
耕吟澤畔秋風生田疇此中有佳士笑傲輕王侯羅胸
有星宿豎儒非吾儔禰衡媿自薦字滅刺難投伏處鄙
薄宦榮名任去留三畝子雲宅百尺元龍樓嘯歌滿天
地澹然無所求

射雕

風烈馬蕭蕭將軍正射雕雙飛盤絕塞一箭入層霄飲
羽威猶壯摩雲氣不驕匈奴雖未滅應避霍嫖姚

展翅凌空起黃沙亂草翻暮雲沈大野落日照平原毛
血淋漓灑雄威顧盼存落雕高侍御長笑出橫門

津門新樂府

堆鹽坵 戒游惰也

堆鹽坵堆鹽坵護坵隄岸風生波草蕩百里膏且腴魚
鹽美利蘆商多蘆商公子多豪富雙臂纏金腰束繡醜
醜當筵鬪碧雞琵琶一曲拋紅豆朝騎款段馬暮坐雕
輪車筍輿飛去人喧譁紫雲亂擁櫻桃花堆鹽坵曬鹽
灘海風獵獵海日乾朱樓高聳嵌瓊欄呼盧夜照燭華
殘或驅鷹犬逐狐兔彎弓覷雀彈金丸堆鹽坵築鹽場
昔昔五色光生芒舉頭不見蓬萊島但見奔騰海水隨
波揚海水桑田終不改古商豪富今安在大兒奢侈小
梅莊詩鈔

卷一

三 東觀室

兒驕十年積聚一年銷君不見鹽堆百丈秋風高

海船塢 足民食也

武帝臺高入碧空熒熒一點搖燈紅飛艘轉運萬餘里
海波日夜東南風海風挂席絕絃箭濤頭滾滾來如綫
吳船楚舫集津門大河爭碾菱花面艤船築塢塢藏船
繞船寒月凝冰堅金穰玉粒不計數船家祈禱多豐年
年豐處處觴稱酒用等泥沙較升斗船去船來總莫停
布帆無恙隨風走海船海船環深塢河流活活多門戶
門戶多羅若屋祭海神焚香祝不願連城希代珍但願
四海之內無飢民

鈔關橋 裕財賦也

鈔關橋往來商賈停雙橈輸將黃標共紫標揚帆直下
海門潮潮來飽看桃花漲日斜風正濤聲壯橋上津關
橋下船繭絲豈肯墮屏障皇華亭畔柳條青河房兩岸
多疎櫺樓臺燈火人聲沸魚蝦曉市春風腥繁華靡麗
何時已蘇杭閩粵皆如此寄語持籌握算人可能似此
河流水二分明月數聲簫匝地垂楊絮亂飄闌干倚徧
人如玉髣揚州廿四橋

冰鮮市 勵清節也

冰鮮市市冰鮮河明如鏡清且漣榜人解網風初靜良

梅莊詩鈔

卷一

十三 東觀室

夜敲冰月照船冰鮮冰鮮多皎潔白凝美玉寒霏雪此
味凡人那得知纖塵不滓真超絕頭銜凜凜一條冰玉
壺心跡宵光激門前一任車如市胸中戰慄尤兢兢脂
膏自潤多溷濁鮑魚臭味無人覺誰能灌頂倩醜酬槎
枒肝肺勤湔濯沖沖聲鑿寒冰堅那容饕餮驅腥羶漁
翁曾在廉泉住不取炎官造孽錢

三岔河 通漕運也

三岔河水面黃銅鏡乍磨萬艘蟻集橫滄波但見東西
南北行人多蘼蕪夾岸生青草垂楊綠接長安道千家
城郭起炊煙一片危橋逐飛鳥三岔河水流北蒲帆掩

映遙岑色一城煙月四時花萬家炊火濃于墨三岔河水流東鯨濤日浴玻瓈紅蜃樓海市何人見無限神仙葬此中三岔河水流南狹斜曲巷笙歌酣世間如此多歧路天下直無插腳處插腳處天盡頭扁舟一葉任遨遊偏頗世路莫輕投河水終不向西流

十字圍 興水利也

河水澄清紅稻肥田間燕子雙雙飛葛沽遙接賀家口土人相傳十字圍棟花風起吹紅雨鞭轡聲裏唬桑扈十圍零落剩兩圍插秧猶擊鼙鼙鼓朝陽含露麥天秋田水無聲日夜流近海人家善插蒔炎風五月尙驅牛梅莊詩鈔

卷一

十四 東觀室

雙港水車聲宛轉蜻蜓飛起晴絲卷何人置牖洩春潮一彎沽水籠煙軟白玉塘邊碧草茸遺址依舊水溶溶土人千載利其利舉杯一酌汪司農

冬日訪水西莊遺址用杜工部遊何將軍山林原

韻

出郭二三里重尋舊板橋枯藤纏古木野鳥亂晴霄此日僧閒話當年隱共招主人水西住結想夢魂遙

我愛天行子

慕園老人字天行構園城西號水西莊

澄懷水樣清庭空惟

睡鶴木落不聞鶯盤設銀絲鱸杯傾玉粳羹谿邊尋贖

跡踏葉繞廊行

莊中有枕谿廊

高閣三間聳芸書閣長橋一木支蕩香迷小榭蕩香榭蓮粉

墮荒池筵盡賓朋散巢空燕雀知至今將百載詩卷各

紛披

半畝茅庵住籬根種野花犬寒聲似豹徑古曲如蛇玉

笈書誰讀金罇酒不賒舊時鄰尙在沿岸兩三家

一自題襟後心穀著有沽上題襟集皆一時名士倡和之作芳筵幾度開樓空

尋豔雪對岸為終氏豔雪樓花憶放細梅四海詩名著三江國士

來數帆臺畔路臺在莊中展印徧蒼苔

攬翠軒初起軒亦在莊中風疏響凍泉枳霜紅映日蘆雪白

黏絲菊釀千壺酒苔堆一徑錢亦應移畫舫候月泊前

梅莊詩鈔 卷一 五 東觀室

川莊有候月舫亦名泊月舫

坡號蓮花冷心穀號蔗塘又號蓮坡園名芥子香幸天津茶蹕於高廟巡

此賜名芥園御製碑文敗蕉經雨潤殘芰引風涼詩社三

生結書廚萬卷藏小移餘繡野繡野無處覓清蒼

一時名勝地零落賸亭池歌曲餘簫管醇醪漉漉羣離才

招華省客詩誦黨家兒三十年來樂名園更讓隨與水西莊

同時者揚州有馬氏玲瓏山館杭州有趙氏小山堂吳

氏餅花齋繼起惟袁氏小倉山房相去已三十年矣

古碣埋黃土高樓鎖碧雲弟兄皆好客茶垞儉堂皆心穀弟兒女

亦能文心穀室人金氏子善和善長皆工詩犁雨田千頃莊有一犁春雨諸勝浮螺

水二分又有碧海浮螺亭屋南留小築花柳憶繽紛

風景已如此詩人今若何故園留我住
予家德星別墅在芥園東百餘步亦水西莊遺址中有遺稿讓君多心穀著有蔗塘未定稿蔗塘外集游盤日紀蓮坡詩話儉堂有銅鼓書屋遺稿善和有東軒詩稿
憶否花間醉終傷月下
歌亭亭畔客踏雪幾經過

好夢 丁亥

好夢初回晝漸長東風吹暖棟花香南園春草依然綠
蝴蝶一雙飛過牆

冬晚游眺

鎮日朔風吼天垂萬里陰亂冰吞斷岸殘雪舞空林寒
覺人煙少愁添歲月侵遙知灞橋客驢背自孤吟

梅莊詩鈔

卷一

六 東觀室

喜沈桂舫旋津話舊 戊子

天涯數知已獨有沈休文自別花前酒神牽沾上雲關
心懷舊雨總角憶同羣今日重傾蓋清譚至夜分

津門雜感

海潮莽割蔚藍天炯炯霞光萬丈纏東下亂帆輕似葉
北來幽鳥澹于煙少年詩思傾囊底名士風懷問酒邊
多少狂生飢欲死銅山誰鑄鄧通錢

豔雪樓頭冷翠屏水西莊上聚詩靈酒拚北海千回醉
花供南豐一瓣馨臺榭半爲新鬼踞笙歌全付老龍聽
可憐芥子須彌納難覓浮螺舊艸亭

無邊春色湧新愁，滾滾長河繞郭流。臺廢難尋古章武，
月明偏照小揚州。千家鹽米喧城市，四季魚蝦饜酒樓。
菊部櫻桃花萬朵，沿街爭唱大隄頭。

子牙河畔釣臺存，楊柳青邊野色昏。海氣攢天撈蜃蛤，
朝光鋪地散雞豚。百年祠宇棲淫鬼，十丈城樓妥縊魂。
大賈豪華銷似雪，有誰思報信陵恩。

過古祠

識得河邊路，疎林露古祠。客來僧不覺，犬吠鳥先知。寺
敗秋風早，樓高落日遲。空庭黃葉滿，小立讀殘碑。

偶然作

梅莊詩鈔

卷一

七 東觀室

飢鷹高颺去，遠過涼馬臺。緩急何所恃，飛龍豈將才。三
賦阿得脂，白日蔽雲霾。

我愛灌將軍，好武不好文。募士報父仇，破吳建奇勳。名
譽滿潁水，高義薄青雲。結交重魏其，肝膽已許君。失寵
旣無勢，吏士趨田蚡。賓客日盈座，壽酒飲微醺。武安不
膝席，嘻笑罵貴人。甘效兒女子，耳語殊難聞。一錢尙不
值，熱客奚足珍。

露坐

傍晚空庭坐，花間露溼衣。殘星隨月墮，孤雁帶雲飛。暑
氣未全散，秋心猶未歸。燐燐螢火亂，只覺夜光微。

旅懷

秋風吹不斷誰識范丹貧暫與妻孥別遠隨僮僕親看
山宜對酒見月輒懷人欲寄家書去飛鴻在水濱

落葉

落葉隨風起驚沙戰水濱飢鴉鳴似鬼病鵠立如人缺
月墮無跡長河看未眞壞雲吹片片秋色老征塵

寒夜不寐

古夢去無跡伏枕殘鐙背萬籟息深宵窮巷孤犬吠元
颺豐窗紙忽聞柝聲碎凍骨徹鐵衾千慮一時廢

追和曹堯賓大游仙詩元韻

己丑

梅莊詩鈔

卷一

大 東觀室

不駕雲駟駕翠華瑤池擁起赤城霞人游福地風初靜
樂奏鈞天日未斜八駿何須封紫禁六龍無處覓丹砂
筵前誰種蟠桃樹果否能開頃刻花

穆王讌王母于九
光流霞館

人在崑崙第一峯祥雲蹶巖勢如龍河山五萬頻開眼
宮女三千盡歛容望去樓臺騰紫氣來時簫管奏黃鐘
東方曼倩非凡骨能識神仙有定蹤

漢武帝將候西王
母下降

香煙華氣繞仙壇益地圖成萬國歡青鳥曾來宮裏報
紅塵只作夢中看春光滿座桃應熟夜氣侵人酒欲寒
果否上方能辟穀杯盤交錯興彌闌

漢武帝于宮中讌
西王母

一別仙容胡不歸哀蟬落葉共飛飛傾城貌死香留夢

絕代魂銷淚染衣
銕下乍逢顏色頽
帳中重見語音稀
低回難訴相思苦
人影模糊酒力微

漢武帝思李夫人

戰城南

戰城南死城南
城南死屍堆如山
戰城北死城北
城北老兵知報國
老兵髮已皓
年少隨征討
長隸冠軍侯
轉戰康居道
行年將七十
鄴下無弱息
朝廷又用兵
將軍重練習
選兵十萬人
大半皆飢民
飢民飢不死
提戈逐沙塵
貴人爲主帥
出師多論議
豈無馬幼常
束手苦無計
一戰祁連山
再戰玉門關
用兵先慮敗
不勝誓不還
朔風吹戰鼓
長槍雜巨斧
昏黑陣雲深
誰識老兵苦
烽梅莊詩鈔

卷一

九 東觀室

火熾妖氛兵弱難
立勳將軍不可死
兵死替將軍幸而
賊當滅國恥
今朝雪錄成一將功
喋徧干夫血
譎計禽休屠軍功濫
吏胥屯田屬趙括
未會讀父書
千金爛羊頭
五萬金魚袋
買得戰場功
屠狗多樊噲
將軍入關奏凱歌
城南城北重經過
夜深燐火如星亂
風吹新鬼哭聲多

年來

驚覺秋聲到蕭騷
一夜風空階鳴絡緯
涼露溼梧桐塵世隨
流水功名付轉蓬
年來辛苦慣惱煞黑頭公

冬夜述懷

元鷗吼冬夜，廖廓寒如鑄。明月照堅冰，嚴霜被枯樹。白
屋凍雲擁，忽忽歲云莫。萬卉盡刁騷，梅華冒古渡。畸士
窮不死，臧軻寄豪素。情傷招隱詩，愁寫長門賦。所懷良
不惡，苦被儒冠誤。何當奮翼鳴，大鳥天南度。

武帝臺懷古

城南一片寒鴉起，蜃樓萬丈生海底。颶風吹浪高拍天，
誰信神仙終不死。神仙彷彿居蓬萊，音容縹緲空徘徊。
行人下馬繫枯樹，秋風落日獨登台。臺高矗矗今已古，
不是秦皇是漢武。蘆蒿滿地靜無人，龍胃罌罍紅覆土。
當年武帝罷塵戰，衛霍助名繪便殿。文成五利帛飯牛，

梅莊詩鈔

卷一

三 東觀室

七十二家競封禪，一心欲覓長年藥。拋棄鸞輿思跨鶴，
登臺翹首望方壺。帝王那及神仙樂，倉卒巫蠱起青宮。
鼎湖寃結由江充，博望苑中春艸綠。泉鳩水畔野花紅，
花開花落春風好。思子宮邊春又老，夕陽重上望思臺。
西河淚灑心如擣，傾國傾城在何處。兒女英雄今始悟，
可憐一詔下輪臺。白雲黃葉秋風來，吁嗟乎不求佛不
求仙，幾經滄海成桑田。留得此臺葬魂魄，魄茂陵回首空

雲煙

梅莊詩鈔卷一

男鼎元校字

梅莊詩鈔卷二 庚寅至壬辰

庚庚集上

天津

華長卿

枚宗

津沽竹枝詞

庚寅

西沽楊柳大紅橋多少輪蹄別路遙青眼送君君不見
再來翻覺更魂銷

小直沽前颺酒旗麥風翦翦雨絲絲海棠滿院陰鋪地
又到黃花魚上時

楊柳青邊多楊柳桃花寺裏盡桃花柳條折去花飛去
夫婿三年未到家

茸茸芳草碧盈村澹澹梨花白映門一抹殘陽初過雨
梅莊詩鈔

卷二

一

東觀室

綠楊城郭賣河豚

白蓮花豔勝芳鎮紅藥花開大覺庵七十二沽花共水
一般風味小江南

十字圍邊古釣臺葛沽紅稻花爭開漁翁補網月初落
時有香風撲面來

當場絲管奏殷勤酷似揚州月二分一曲琵琶歌蕩子
斷腸聲調不堪聞

新來菊部唱涼州年少王孫爭一游攜得梨園佳子弟
四更同醉酒家樓

徒駭河干多釣徒如披一幅輞川圖天寒月黑蘆花岼

幾點漁燈丁字沽

柴堆火起烈風乾水局傳鑼指顧間十萬男兒爭鬪捷
火場同作戰場看

海風獵獵水聲涼河凍堅冰到北倉不用羸車不用輦
瑠瓊世界坐冰牀

豔雪樓頭啟文社水西莊上聚詩才當年詞客如飛絮
送入東風總不來

妾薄命學東野體

空廊響病葉驚散雙鴛鴦幽月入牀側照我心徬徨情
人隔千里夫容誰爲芳下階望牛女掩面啼殘妝抱琴
梅莊詩鈔

卷二

二 東觀室

撫一曲訴我九迴腸欲訴不忍訴含愁歸洞房

漢銅雁足鐙歌

建昭三年歲乙酉元城王鳳爲元舅涓陵祭器今尙存
銅盤銘勒龜龍紐當年后父封陽平外戚無權似寶嬰
王禁已死鳳初嗣瓊樓金屋鐙光熒初封二千六百戶
益以八千制不古銅鐙能禁漢家煙不照詩書照歌舞
考功創令內者造上林宮中制度巧一枝盤屈雁足形
小篆書銘曰永寶斑斕古色光陸離儼如鼎鼐同鍾彝
蜿蜒屈曲似釵股六十一字珍珠奇安成門第五侯家
臺閣鐙光燦九華後大廚中畱古器籀文烏篆騰虺蛇

君不見征南將軍馬伏波交趾銅柱高巍峩又不見洛陽宮門峙銅駝眼前閱歷荆榛多此鐙至今一千八百六十有六年堪與銅駝銅柱同流傳

追輓外大父存圃先生

慷慨從戎出玉門直聲強項滿乾坤風沙萬里詩千首湖海三人酒一尊夢裏家山逢骨肉眼前科第到兒孫聖朝猶識眞循吏陶令歸來松菊存

寄徐浣雲孝廉

文煥

涼風起蘋末搖落故園秋知己不相見懷人獨上樓姓名甘潦倒身世任沈浮若問平生事江湖有釣舟

梅莊詩鈔

卷二

三 東觀室

兩地寸心知交從總角時憐君爲客早悔我著書遲明月三杯酒梅花一卷詩眼前秋色老紅豆最相思

古木落黃葉征人又別家新歌燕市月舊夢洛陽花去國悲王粲登高憶孟嘉願隨竿木戲雲裏望京華

讀史偶然作

青年幾作孫家虜白首應稱太上皇社稷有靈傳北地鄧鍾何敢渡陳倉

胡不先誅軋犖山雨鈴空自淚潸潸長生密誓猶如昨地下何顏見玉環

感天蕭后僭遼陽女亂咸知首漢唐呂氏野雞周武嬰

一般權術學媧皇

亭長奇才媿未能亂臣莽操至今稱胡盧依樣千餘載
崛起無如皇覺僧

懷愍青衣曾執蓋徽欽白骨號重昏玉關生入新奇事
何必倉皇又奪門

奸雄易得千年臭潛德難畱百世芳十七史中多少傳
蝨餘姓字半銷亡

待雪

凍雲黓黓壓城頭隔牖風聲吹未休煮酒先宜添獸炭
探梅預擬擁貂裘炊煙未斷尋袁路撥棹還思訪戴舟
梅莊詩鈔

卷二

四 東觀室

翹首看天濃似墨紛紛霰集水邊樓

車中口占 辛卯

催趁輪蹄日欲昏東南回首別津門垂楊夾道西風起
一路蟬聲到蔡村

送沈友竹 維嶺之松江

不見沈郎久相逢又別離濤聲催暮雨山色助新詩紅
袞添香處 時友竹新婚 滄江挂席時好乘風浪穩莫遣雁書

遲

揭曉後感成

大父科名五十年于今續守舊青氈九方相到追風馬

一第登上水船庭訓敢忘增白髮慈親差可慰黃泉
旁人爭許何無忌慚媿焉能衣鉢傳

中式名次與雲巢
舅氏庚午科同年

亦相
若

雜詠史臣

太史龍門萬口稱百三十卷筆飛騰可憐冤獄歸蠶室
誰向匈奴問李陵

身後遺編飽蝨魚一家勲業竟何如千秋史筆推才女
夜夜挑燈續漢書

躍馬西池顧盼雄琵琶聲裏怨徐童臨刑羞煞夏侯色
說鬼難禁血淚紅

梅莊詩鈔

卷二

五 東觀室

祇知帝魏不尊劉將略公然議武侯佳傳既需千斛米
緣何仇國紀譙周

隱侯文史揆天才佐命蕭梁實可哀至竟齊亡緣底事
有人斷舌夢中來

負才搗扇傲凡賓紀載模糊半失真儻使昭明持史筆
一時徐庾盡功臣

采摭兼搜顧野王尚書門弟世縹緲順陽閣下扶孱主
博得瀛洲姓字香

詰汾世系競增誣伊霍升天頌爾朱無怪紛紛稱穢史
亂拋佛助死頭顱

七齡能解琅邪稻灰酒沈酣病可醫豈獨史才誇老壯
詩詞諷誦到樵廝

宇文昏暴極天元文牘荒蕪簡冊煩重購遺書修舊史
五家新例創華原

老臣何幸繪凌煙骨鯁堪稱寶鑑圓死後是非任謠詠
豐碑踣倒大墳邊

傳家絕學紹箕裘年少居然國史修島索不分南北界
文章八代魯春秋

廬陵史學追班馬五代新唐筆削嚴不沒宋祁與劉昫
丰神六一取名廉

梅莊詩鈔

卷二

六 東觀室

宋史剛成稿未刪復修耶律共完顏可憐忠烈遭奇毒
千萬人中砥柱山

何必窮愁始著書無端姦黨列諸孤青宮講讀十餘載
抵死殘魂泣道塗

青巖山裏舊儒林巡遠英風說到今碧血青燐逐黃月
滇南終古照丹心

喜余肅齋茂才

作恭

自粵東旋津

壬辰

一自去南海相思直到今逢君重握手爲我撫瑤琴靜
得絲桐趣別存山水心子期今在否慚媿許知音

燕地五年別羊城萬里遙夢中曾識路相見反魂銷黃

菊影逾淡白梅香亂飄愁懷無處訴合遣酒杯澆

東賀星槎茂才

兆魁

清風吹海濤賀監乘馬至回首望長沙臨風懷賈誼弱冠負重名公卿爭羅致春色滿京華秋高鵬展翅別離日雖淺結交情獨摯鼓琴問知音相如與徐穉

張家灣題壁

木落西風起行人發浩歌河從蒲口淺樹到蔡村多寺古雷殘碣池荒剩敗荷張灣城北路雨後未曾過

題姨母潘淑人不櫛吟

閨閣神仙第一流班昭亦欲覓封侯風塵得句雷妝篋梅莊詩鈔

卷二

七 東觀室

閩海滇池萬里遊

苦語思親已半生劫餘以後變商聲燕山五桂亭亭立都賴熊丸母教成

臥虎橋晚眺

欲到回龍觀重經臥虎橋煖雲生谷口斜日沒山腰城郭猶名薊河灣尙姓蕭倚闌西北望絕勝畫圖描

贈邊衰石

浴禮

瀛海有仙客衰中藏怪石五色生光芒溫潤如圭璧不以持贈人聊悅性所適舒之等泰華斂之不盈尺夜夢遊瑯嬛圖書炫金碧援筆賦天台鏗鐃聲一擲孝先生

華胄弱冠窮史籍趨庭來沾上而能舉鵬翮著作幾等
身恥言干時策叔子誠多才不教青眼白

楊村道中

午後動征鐸鞭絲去故鄉旅人見青草詩思在斜陽鴉
背寒猶閃馬蹄晚更忙長安春色好紅杏傍垂楊

早行

夾岍曉風清長隄殘月明山嵐濃有兩河水漲無聲野
犬向人吠村雞升屋鳴柳陰驅馬過難縮別離情

柳絮代東桂舫

綠楊三月正飛綿風雨旗亭魂黯然幾度漫天團作雪

梅莊詩鈔

卷二

八 東觀室

一經墮地化如煙白眉頓減憑誰畫青眼無多祇自憐
張緒丰神憔悴盡令人回首憶當年

毵毵萬片更干絲水碧山青日暮時吹入紅塵人不見
飛來白雨客先知無聲撲面原輕薄有意折腰成別離
落魄何須悲老大聳身還占最高枝

無限晴絲颺碧空楊花飛盡杏花紅浮生草草隨流水
別緒依依類斷蓬萬縷情懷縈落日一春心事逐東風
詩人莫漫題佳句謝氏庭前句已工

亭北橋南半夕暉顛狂時共落花飛萍蹤飄泊生前定
蓬首纏綿夢裏違裏裏有時沾綠鬢紛紛無數點朱衣

好風若得頻相送不上青雲總不歸

贈高寄泉孝廉

繼珩

渤海有高士相交恨獨遲與君談一夕勝讀十年詩殘
月照杯酒春風吹鬢絲悲歌爭擊節腸斷杏花時
沽上知名久論文四座驚等身多著作放眼小蓬瀛絕
調庾開府離懷張步兵鑄成青鐵研濡筆任縱橫

雜詩

腐儒譚俗事刺刺每不休何如枕史籍下筆垂千秋雌
黃論今人口舌禍難免苛刻論古人魂魄無由辯休誇
賦萬言且讀書萬卷

梅莊詩鈔

卷二

九 東觀室

禪不始陶唐征不始成湯俗儒眼如豆豈知溯義黃海
淺泰山低地狹九州小麟鳳不足奇籤聃不爲老文王
子女稀成周享國少洪荒無詩書事蹟難搜討

古聖創奇局作事多不苟禪讓與征誅後世反藉口自
待如堯舜視君如桀紂除卻劉亭長得國皆可醜

仕宦喪節義由于莽大夫投閣身不死偷生慙綠珠中
郎哭董卓毋乃太過乎旣爲權奸用焉能續漢書可羨
楚兩龔身死志不汙可笑長樂老狗彘真不如

紈袴爲天子黔黎遭塗炭隋煬與宋徽可入文苑傳文
士多無行此語千載同二陸與潘張甘事賈南風

千古少完人天性每多缺劉劭與楊廣早已人倫絕老
賊雖萬段友珪那可說許止不嘗藥大惡書陽秋奈何
宋光宗父死淚不流

霍光學伊尹擅自主廢立後有莽卓徒弄權相沿習桐
宮迎太甲未聞殺昌邑可憐旣廢君性命在呼吸

太白晝經天足蹀元武血燭影夜搖紅截地斧聲烈唐
宋兩太宗兄弟偏有缺政績雖足稱良心早已亡魏徵
與趙普胡不思先皇

舍子而立弟殷商法良厚後世不善學畫虎反類狗舍
子而立姪宋國敦孝友後世相爭競貽戚復誰咎善哉
梅莊詩鈔
卷二
十 東觀室
古聖言立嫡兼立才燕棣起靖難此端古未開妙論方
正學成王安在哉

千古懼內人首推漢高帝生殺由豔妻妒忌到人彘劉
氏幾無遺野雞竟稱制孝武慮太過鉤弋死含冤堪笑
拓拔珪猶稱茂陵賢

可恨唐中宗下愚不可移身遭武氏亂復受制于妻宮
中點雙陸不忌武三思如何臨淄王起兵誅韋后一箇
楊玉環復令三郎走

黨錮起東漢列傳垂班史有唐長慶後羽翼分牛李宋
立黨人碑諸賢多竄死南渡之僞學傾軋無臧否賢奸

幾混淆報復相終始可憐明東林國亡黨不止小人何足責釀禍由君子

結交貴以澹常恥脂與韋酒食相徵逐貴賤生嫌疑欲廣絕交論母甯甘守雌孫臆殺龐涓蘇秦害張儀束髮皆同學嫉妒成參差善哉子夏言不可者拒之

損友徧天下便佞與善柔覲面相標榜背面多怨尤好諛恐不工譽盾復毀矛豈無直諫人冰炭難相投十載空擇交知己不易求試讀張陳傳刎頸成仇讐

古來錚錚人焉得人人曉古來碌碌輩間有人日好毀譽且由他蓋棺難論定或稱或不稱此中亦有命

梅莊詩鈔

卷二

十一 東觀室

孟獻有五友當時忘三人元愷十有六名字焉能眞洋洋廿一史豈盡皆實錄齊東有足信稗官亦可讀有書不識字何貴書盈屋所以荒經者一世高閣束

好詩不在多一句卽可傳佳文不貴長百字勝千篇充棟詩文集直無暇覆瓿我自讀我書不如且飲酒毋爲古人愚百年亦俄頃蝮志尙能傳有幸有不幸

漢河間獻王博士毛公君子館甄歌

輒爲河間苗仙露所藏

炎炎四百年天下宮闕荒涼無片瓦可憐白土闕銀鉤不見青苔埋玉笋當年文景侯恩澤功狗勛名垂竹帛屏藩宏我漢都京劉氏諸王勢烜赫吳王跋扈梁王驕

淮南僭妄江都豪習禮誰解宗大戴敦詩不知法小毛
兩河之間賢王出被服造次崇道術覓得科斗萬卷書
博士譚經無暇日峩峩大起日華宮獻樂詔策來三雍
西京文物自王倡冠裳百代稱儒宗電掣星馳人易老
以諡名縣堪搜討曾築別館館毛公臺甄殿瓦皆荒草
哲王大雅自不羣千秋廟貌氣凌雲老樹豐碑多榛莽
何人來拜獻王墳苗君識字心思苦曾讀瑯嬛辨帝虎
破甑拾帶土花香隸文兩字足千古吁嗟從古小人多
君子埋頭奈若何金石不刊名耐久小人到底易銷磨
墨華搨遍銀光紙援古證今同研史海內詩人競品題

梅莊詩鈔

卷二

三 東觀室

先生不覺掀髯喜一時佳話傳津門我友邊生向我言
少壯吟詩癖相埒前身曾住詩經村毛公公毛公眞碩彥
闕名猶列儒林傳匡鼎說詩徒解頤毛遂處囊羞自薦
一坏黃土一杯漿旣酌毛公復酌王畱得片甌贈君子
河間從此姓名香

送邊心巢

浴仁

衰石

浴禮

昆仲旋里

滿地生春草詩人歸故鄉同行有兄弟攜手拜高堂知
已暫相別思君情轉長河間多勝迹得句貯奚囊

絕句

日長風靜裊晴絲近郭人家放鴿時睡起不知春已去

倚闌臨水看魚兒

宮詞

舸逐鴟夷去煙波泛五湖劇憐臺畔草生死傍姑蘇宮吳

神女來高唐不入襄王夢宋玉非登徒藉此以託諷宮楚

燕趙多美女咸來貯阿房計年三十六夜夜夢君王宮秦

紅粉教歌舞黃金買畫工玉顏勝飛燕猶自泣秋風宮漢

侍婢皆執刀夫人意氣豪蠓磯聞杜宇望斷蜀江濤宮蜀

鄴城風雨夕銅爵已凝塵玉珮兼金枕由他賦洛神魏

竹葉引羊車箱籠納小吏可笑司馬兒何如賈后智宮晉

貼地蓮生步齊亡最斷魂玉兒勝家令祇解事東昏宮齊

梅莊詩鈔

卷二

三 東觀室

朝上望仙閣暮擁張麗華胭脂落井底閒唱後庭花宮陳

楊花搖落盡螢火上迷樓春草年年長無人弔玉鈞宮隋

自譜霓裳曲拋殘一斛珠樓東知不遠歌管聽模糊宮唐

和陶公詠貧士詩

貧士多慷慨達人每困窮長歌無和者彈鋏心更雄生

平鄙肉食能令人昏蒙菲薄到卿相交遊寡所同溫飽

非吾志含笑視太空此中有真樂陋巷生春風

翁子困采樵行行讀漢書馬卿困酤酒文君能當壚豈

不思富貴其奈命何如所懼蘊蓄少學飽氣自舒自視

無長物亭亭七尺軀天地雖云大可以爲我廬

月明涼于水顧影時自憐清風吹襟袖名利兩澹然臣
朔飢欲死比鄰起炊煙雖無藏金窖時有看囊錢短褐
不蔽體視之勝絲綿糟糠聊充腹食之勝肥鮮

采薇首陽下餓死身不辭此志良獨難繼者有原思醉
臥泰山巔東海爲酒池腐骨不填壑翻覺造物私自屋
少青眼長貧歲月遲漂母飯王孫足以媿鬚眉

送潤田舅氏之任雲南

仕宦天涯感不禁參軍從古屬儒林大才終必騰霄漢
小試何妨作雨霖卅載功名投萬里一家衣食累千金
滇南煙樹雲間月振觸諸甥一片心

梅莊詩鈔

卷二

十四 東觀室

夏日雜詩

長夏渾無事裁詩貯短筒眠遲貪對月坐久愛臨風鴛
瓦微藏雀蛛絲密罥蟲吟成四十字字字恥雷同
佳客翩翩至閒敲一局碁苦茶堪當酒清話卽成詩短
調謔元曲長吟說楚詞瓣香神契久心願繡袁絲
榴花開未了蓮葉已田田鶴避香煙直魚吞水沫圓迴
闌剛鬪鴨深柳漸聞蟬擬向北窗臥風來欲化仙
琴擬嵇中散詩追王右丞胸懷金粟佛心迹玉壺冰散
米閒分蟻垂簾謹避蠅日長猶覺短殘月又東升
芳草綠侵檻好花紅過牆芙蓉出清水荷芰引新涼待

月能堅坐觀書每健忘醇醪拚一醉欲學謫仙狂
漫掃羊求徑浮生日日閒墨精甯待畫詩好不須刪灑
水作微雨堆冰爲小山此中可銷夏何必覓深灣
蕭齋初過雨芳草倍萋萋小院無人到深林有鳥啼晚
雲蒸玳瑁淺水漲玻璃俯仰得奇句拈毫紙背題
粉蝶迷紅豆飛蟲上碧紗分棚藤繞竹支架蔓連瓜別
館人吹笛疏籬白灌花臨池難作字潑墨亂塗鴉
獨坐看新月濃陰覆滿庭花深時見蝶扇冷欲黏螢偶
搨來禽帖閒評瘞鶴銘雨霖歌一曲淒楚不堪聽

枕石眠深屋看雲上小樓美人空入夢一雨頓驚秋讀
梅莊詩鈔

卷二

五 東觀堂

史易生恨彈琴難遣愁盈盈河漢水幾日度牽牛

秋草

芊綿芳草頓驚秋衰柳斜陽水畔樓遠志難酬千里恨
春暉莫報寸心愁東皇無意垂青眼南浦何人弔白頭
金粉六朝成底事隋隄梁苑盡荒邱

天涯無復綠成茵滿地黃金莫救貧戰壘猶存前代血
歌場難買四時春可傳書帶無多字不負科名有幾人
風雨池塘魂夢冷王孫別後倍傷神

一生常伴落花紅剩水殘山付畫工富貴到頭危若露
淒涼滿目偃隨風沙場有客頻驅馬輦路無人早閉宮

此下紛紛埋白骨百年斷送幾英雄

黃雲慘淡暮天低苦雨淒風路轉迷野燒未乾心已死
嚴霜初染醉成泥茫茫世界皆螢火草草功名問馬蹄
寄語美人莫惆悵春來依舊綠萋萋

梅莊詩鈔卷二

男復光校字

梅莊詩鈔

卷二

十六 東觀室

梅莊詩鈔卷三 甲午

庚庚集下

天津 華長卿 枚宗

哭女詩 甲午

近來歲月易銷磨惟有凋傷骨月多哭罷老親哭嬌女

年年不斷淚滂沱 壬辰七月遭先大人之變癸巳四月次女痘殤今年四月長女格又以

疾卒相去未兩年耳

病容半載苦伶仃刺繡依然手不停我恨庸醫醫誤爾

藥丸鍼灸總無靈

最愛幽閒不厭貧生成瘦骨證前因小窗依舊畱燈影

不見描花繡字人

梅莊詩鈔 卷三 一 東觀室

白楊碧草間黃沙一座新墳小逕斜擬灌姜家井畔水

繞墳開遍女貞花

傷廢宅

有客歸故鄉金珠盈囊橐離家三十載猶識舊城郭家

中子若孫相見皆驚訝爺年已八旬精神倍矍鑠茅屋

五六椽頰遭風雨剝欲慰老人心祇恐難棲託云有某

家宅庭宇頗高廓賤鬻僅千金惜無人揮霍何不往觀

乎老人點首諾爰換新布衣爰躡舊芒屨出城未半里

閭巷殊寂寞廣廈百餘間閑閤尙鬼岑入門不見人空

庭多乾鵲蛛網罨雕窗鴿翎堆畫閣白晝蝙蝠飛黃昏

狐狸躍碩鼠不避人跳踉驚睡貉高樓勢欲傾灰塵封
鏞鑰枯樹壓頽垣亭榭生藜藿一叢豔豔花無主自開
落老人芒屨歎此宅記約略昔屬張太常後歸李文學
文學死無子戚族競相攫妻弟某干牛盤踞恣橫虐回
祿赫然怒一旦咸燒灼基址鬻豪商豪商本姓駱駱姓
我好友總角弟兄若廉值得此宅土木大興作菟裘營
五年擬作終身樂樓閣奐然新金碧交輝燦高軒覆鴛
瓦粉壁塗丹牖窗捲翡翠簾牀設猩紅幕座有九曲珠
園有千年鶴好客慕鄭莊金樽肆酬酢日食費萬錢熱
客來大嚼長夜聞呼盧紅鐙照携博買得菊部頭主人
梅莊詩鈔

卷三

二 東觀室

解音樂聘得邯鄲倡主人善戲謔夏日不知暑冰山聚
深壑冬日不知寒煖閣圍鑪酌我亦時往來待我良不
惡自我離故鄉雙鯉沈漠漠後聞路人道及身已落魄
四十三縣鐵鑄不成此錯今我復來此夢境難拋卻舊
時采蓮舟池水今已涸舊時彈琴臺山逕今已鑿倏忽
易數姓髣髴皆如昨言罷重太息涼風動檐鐸

四扇詩同姚菊坪徐沅雲作

諸葛三軍任指揮羽毛能解百重圍快譚如在風中坐
飄泊疑從天外歸握手幾人悲失侶傾身得主定高飛
青蠅瓜上紛紛集驅逐無權素志違

羽扇

冰紈製就白團團，遮面宜人掩映看。
衣錦半生多附熱，受恩一夏不知寒。
身如明月圓時少，涼到秋風見更難。
除卻班姬無好詠，長門近日淚空彈。

紈扇

五萬蒲葵勝素羅，昂藏羞向熱中過。
遭逢青眼提攜易，驚覺秋心拋棄多。
揮暑十年黃透骨，搖風九節綠皺波。
元規塵起汗人甚，障面憑君奈我何。

蒲扇

子夜歌成疊扇篇，新翻巧樣自朝鮮。
展從掌上風纔起，抱向懷中月半圓。
竹削攢成枝个个，紙糊飛作蝶翩翩。
處囊且莫輕捐棄，題徧新詩當綵牋。

摺扇

枯魚過河泣

梅莊詩鈔

卷三

三 東觀室

枯魚過河泣，河水流不競。下有泣珠人，能治枯魚病。

館中紅蓮盛開，李曉樓先生招同吳霖宇、玉川昆

仲小飲卽席得四律

綠意紅情不染塵，亭亭水面寫丰神。
凌波欲學潘妃步，顧影誰憐玉女身。
幾點怕聽秋後雨，一生常對熱中人。
華嚴世界眞成佛，恐有如來來問津。

可餐秀色淨生香，一半濃妝半淡妝。
巧對波光迷蛺蝶，戲拋蓮子打鴛鴦。
紅裳掩映含微雨，翠袂褰褊倚夕陽。
欲向西湖尋伴侶，浣紗人已到錢唐。

芳致纏綿問藕絲，太眞浴罷倚闌時。
薰風陣陣飄香早

曉日瞳瞳出水遲鏡裏美人獨含笑花中君子解相思
采蓮愛聽歌聲好不唱桃根唱柘枝

花光豔豔葉田田擎露搖風更帶煙貌似六郎能解語
枝開並蒂頓生憐羣芳誰可成香國此種真宜號水仙
不是詩人偏愛詠前身曾識李青蓮

送李曉樓先生之任黔陽

人生千里與萬里仕宦不過遊而已白頭循吏走黔陽
天下名山赴眼底先生綺歲噪京華文社詩壇許作家
一曲醉歌燕市酒十年笑插長安花長安好結遊俠友
名重千金才八斗天潢翹楚學通經玉檢金泥搜二

梅莊詩鈔

卷三

四 東觀室

西一行作吏去東萊笑人鄧禹何爲哉夷安父老跂足
望太原公子褻裘來退食委蛇思視膳雙親迎養來花
縣愛民如赤今龔黃海濱畱蔭恩膏徧公暇時上讀書
樓金石書畫精研求數千年物待人出銅印深鐫高密
侯萊州太守謂船山先生眞博古先生卓識堪爲伍筆驚風
雨酒鱗生海中波起蛟龍舞署門今有古翟公謂文泉先生

手摹漢隸羣稱雄恥謁俗吏絕奔競獨與先生交誼同
船山屬吏文泉友旗鼓爭持不龜手酒腸詩膽海樣寬
高譚驚座傾心久一時名望震膠西十幅蠻牋帶醉題
政績清廉稱報遂鸞皇枝上暫時棲不其翠接田橫島

卽墨雲山處處好隨車甘雨有腳春寇君借我惜不早
門牆桃李魯諸生量才玉尺持文衡

戊辰丙子
兩次分校興頌權

騰來厯下上官拔擢刺東平誰知椿樹凋零速父老攀
轅齊痛哭芒屨破帽走函關五兩清風吹縞服短衣匹
馬歸鄉里稚子候門老母喜出山泉水達臨泉板輿奉
母緇塵起臨泉葢爾萬山開何況公非百里才子賤彈
琴堪臥治蒼生霖雨滿蒿萊匆匆兼攝東敬去大邑紛
華公善馭一朝遽萎北庭萱卅年栽遍甘棠樹先生讀
禮返津門棟宇蕭條松菊存延齡早種南山柏好客常
開北海樽不嫌鯁生性疏曠肯垂青眼施絳帳陳蕃縣
梅莊詩鈔

卷三

五 東觀室

榻待徐穉子雲校字需劉向公子能讀等身書濁世翩
翩玉不如鯉訓夙承三世學驥材好待九年儲先生瘦
骨雲中鶴花甲已周倍矍鑠譚鋒犀利生春風童顏應
服長年藥弓旌忽爾到田間洋川下邑雜羌蠻道塗豈
憚八千里不爲服官爲看山車塵吹送秋風陌厭聽輪
蹄擬泛宅布颿挂起月當頭從今自號江湖客邗溝花
月廣陵潮白門柳色萬千條楚尾吳頭連夏口洞庭落
葉風蕭蕭九谿三峽霜天曉山色重重青未了舟中靜
坐樂琴書沙上閒眠伴鷗鳥君不見隱于耕釣隱屠沽
誰解隱于仕宦途梅福曾作神仙尉絕域堪尋舊酒徒

吁嗟乎牂牁風雪夜郎煙無多鶴俸飲廉泉驪唱休歌
行路難知心一去誰爲憐旗亭杯酒魂黯然此別再見
知何年萬里雲山指顧間海門翹望魚書傳

喜徐楊芝仙來津卽席口占兼慰墨樵芭生

西風吹木葉零落滿蒼苔明月暫時缺故人何處來壯
懷羞覽鏡病骨怯登臺擬醉陶潛酒黃華猶未開

答袁石見贈詩元韻

十載學詩誰識我半生低首獨推君鴛鴦肯把金鍼度
眯眼難尋刺繡紋

麟麟星宿快羅胸如水交情澹勝濃儻向騷壇開戰壘

梅莊詩鈔

卷三

六 東觀室

挾矛駮馬願相從

五色文章萬首詩封侯有骨數偏奇秋風妄上長安策
地下劉蕡是故知

雙飛海燕自翩翩秋讓黃華一著先殘夢將醒月初墮
子規叫破武陵煙

貧女

獨有蓬門女偏知歲月長嬾施殘粉黛愁補舊衣裳不
識金釵色誰憐玉骨香綠窗甘寂寞羞說富家郎

三十初度述懷

吹墮紅塵已卅年年年搔首問青天雙親遽爾成千古

一第安能慰九泉夙願難償他日志虛名敢望後人傳
山中從此琴聲絕流水無情去杳然曩學撫琴自壬辰七月不復彈矣
含山滌水易銷魂循吏聲華北斗尊冰雪頭銜前世凜
詩書手澤至今存青瑣家學慙繩祖白髮慈顏愛弄孫
往事酸心譚不得報劉日短負深恩

曾記當年畫荻時挑燈課讀母兼師九齡莫釋懷中抱
廿載空勞夢裏思墓草暫埋真樂土紙錢常挂最高枝
長城五字言猶在不忍重繙季迪詩先母曾以青邱五律授讀

萱草凋零椿樹芳雙雙雛燕戀朝陽望成宅相搏千里
愛聽書聲臥一牀搶地輒難驅病豎呼天無處覓仙方

梅莊詩鈔 卷三 七 東觀室

春風重上長安道楊柳依依淚萬行三入鄉闈俱隨先君子同行

文陣爭誇筆有神士逢青眼志纔伸萬金莫報眞知已
謂受知 一飯難忘舊主人冀北馬羣應脫絆嶺南鴻信

盼來賓余階升師之任粵東久無信至肅齋今科亦未北上梅花骨格同心少謂梅

聯牀風雨夜鐙紅竹弟謂筠梅兄意氣同酒膽敢拚三

斗量詩腸曾敵萬夫雄科名自古皆關命書法于今總
不工學臨漢碑磨墨數升舒尺幅老梅亂寫萬千叢近復

送客扁舟泛五湖空庭月白一身孤連番快睹新文陣

梅 學畫

累日爭邀舊酒徒絕少閒情歌子夜素喜觀劇兼習南
絕迹歌驟驚噩夢到姑蘇時聞外祖母北詞曲自壬辰後
卒于姑蘇官署蓼莪既廢何
堪讀長觸當年陟屺圖

秋聲吹到莽天涯鏡裏頭顱鬢欲華愁對癡兒頻問字
夢尋嬌女倩簪花欽崎詩思清于水骯髒人情薄似紗
好待揚槌爭樹幟錦標擁起赤城霞

送芝仙之秦中

秋色來海上一鷗乘風搏回首謝凡鳥飛入青雲端託
足貴得地何愁形影單徐君名家子秀骨殊珊珊髮
事翰墨奇字窮雕鑽萬卷填心胸下筆推波瀾千軍誇

梅莊詩鈔

卷三

八 東觀室

橫掃名震風騷壇初戰恥鍛羽再戰高揭竿佳文誦萬
口美譽延千官折節獨愛我意氣同金蘭百杯訂知己
酒腸海樣寬萬首許同調字字珍琅玕我縣孺子榻夜
雨談更闌君解相如渴肴核傾杯盤秋風鳴得意接踵
騰雲翰孰知丁厄運亦復同剗肝我抱終天恨君失慈
母歡蓼莪不忍讀血淚潮痕乾我方累妻孥君又驅飢
寒陸機曾入洛風急雪漫漫黃河流萬里落日悲風酸
張翰又歸吳霜葉楓林丹姑蘇不可住苦雨飄江干郭
隗復入燕臺鑄黃金完京華不易居俗塵汗儒冠南海
羅夫子當世荊州韓寄書遠招致肯垂青眼看賈生初

入秦華嶽騁奇觀，量才憑玉尺。彈雀無金丸，關中多豪士。母使沈澗磻，持身須自愛。努力勤加餐，缺月澹無色。落葉隨征鞍，厭聽懊儂曲。休歌行路難，此日一罇酒。明日黃花殘，知己去天涯。青琴不復彈，鬱鬱久居此。渾如蛟蛟蟠木凋，巢雀警珠亡。池魚彈中夜，不能寐。慷慨獨長歎，何時奮翼去。雲路任盤桓，善哉隨園叟。一語信不刊，天下奇男兒。宜早遊長安。

畫梅一椀贈芝仙，繫之以詩。

旁人笑我太塗鴉，耐得冰霜是此花。折取一枝當楊柳，好隨詞客到天涯。

梅莊詩鈔

卷三

九 頁觀室

贈楊苕生上舍

禮政

南雁忽飛去，西風生暮寒。海門望明月之子，正凭欄。傲骨病逾瘦，歸心秋更難。酒人遇詞客，有淚莫輕彈。丰采玉峩峩，神仙到大羅。情隨秋葉減，愁比亂雲多。客久黃金盡，功深鐵研磨。雙槐舊庭院，轉盼綠交柯。

菊屏

芙蓉城闕蕊珠宮，可有仙人在此中。秋菊千叢開爛漫，畫屏六曲幻玲瓏。冷香馥郁宜篩月，傲骨峻嶒不隔風。詩句十聯何處寫，硬黃飛白奪天工。

松窗籐枕竹方牀，更有屏風壓眾芳。秋在眼前仍顧影，

人從背後竊聽香飛來粉蝶疑張幄賺得遊蜂又過牆
此下醉眠宜隱士夢魂界斷白雲鄉

隴上作

雙丸去如駛彈指今三年雙親不能見音容隔重泉昨
夜夢府君訓勸子孫賢驚覺兩相失涕泗空漣漣十月
十三日服闋心愴然長卿偕長吉同拜墓門煙東雀噪
不已敗葉飛翩翩寸草戀斜日隨風吹紙錢再拜跪復
起欲語呼旻天府君愛兒篤如何長棄捐地下見我母
別緒悲綿綿我祖及我伯相見裳同褰此情兒不知魂
夢通幽玄近日兒輩狀欲訴言難宣授讀又兩載空被

梅莊詩鈔

卷三

十 東觀室

浮名纏經荒未曾讀荆棘生硯田黃金苦難鑄滄海愁
難填磬磬十餘口同居五六椽蕭然徒四壁舊物畱青
瓊阿榮能學語登與成隨肩一子兼兩孫未見心旌縣
阿妹年十二雲髻垂鬢髮阿科年九齡識字已數千阿
格與阿五孽病醫難痊一人殤痘疹一人傷虛辱伶仃
兩弱鬼埋首誰爲憐至今想追隨膝下衣爭牽嶽嶽二
叔父患疾皆危顛癘疫一再作喜遇仙方傳疾風吹烈
火茅屋焚如煎大母向空禱撲滅炎威燁驚悸一晝夜
如燭風中旋幸服金丹藥能令遐齡延卽此兩載中家
事幾變遷縷縷敬相告如聽啼哀鵲縮塵汗素衣青箬

照蒲編漢兵爭拔幟祖生先著鞭兒輩名不就府君難
安眠隴上枯草榮隴頭缺月圓春風馬蹄疾待表瀧岡
阡

短鬢

短鬢不堪搔殘年心更勞功名拋筆研骨肉重錢刀
燈火照孤枕霜華黯敵袍願乘舟一葉痛哭讀離騷

東桂舫

隱侯文史擅蕭梁咫尺雲泥去故鄉懊惱長安舊詞客
道旁看殺紫薇郎

東裛石

梅莊詩鈔

卷三

十一 東觀室

啟門聲剝啄獨有孝先來凍雪墮無迹寒梅勒未開釀
成愛奇癖生就作詩才牢落登樓後長歌賦七哀

骨鑄鐵錚錚逢人說禰衡琴元待知己書豈誤儒生拄
腹成詩窖攻心仗墨兵唾壺敲不碎空灑淚縱橫

破屋透酸風鐙寒焰不紅談兵嗤馬謖問字服揚雄塵
世一杯弈人情三斗葱昂藏腰下劍何日倚崆峒

大蘇耽翰墨

謂心

小宋愛吟謳白髮雙親健青瑣幾世

雷慙余增馬齒媿爾許龍頭三載論交澹羞言第二流

贈樊鶴州茂才

景皋

南陽有玉樹枝葉臨風香皎皎如明月並照雙鴛鴦樊

侯產沽水闊閱夸金張祖德不勝述鯉訓勤趨蹠垂髻
弄柔翰一目千縹緗麻沙辨金金奇字探凡將青眼逢
伯樂文戰馳膠庠司戶策太工懊惱槐花黃靈夔一足
別鷺鷥隨風颺擲掄來弱鬼燐火銷冰霜因緣結吟骨
才魄招沅湘旗鼓鬪三軍力敵詩中王初學李長吉歐
血奚奴囊又學李義山獺祭陳鱗鱗千金信可諾八斗
才難量延納到紅友不分青蓮狂如掣三尺劍出匣騰
光芒如駕千里駒脫絆爭超驥賤子鈍且拙寓目經書
忘學詩不成癖字字搜枯腸長城多壁壘力怯偏師當
二十歌泮水廿七賦靈光骯髒長安道馬足春風忙搔
梅莊詩鈔

卷三

三 東觀室

首無所問一一由穹蒼墮世三十年世態羞炎涼編詩
五百首詩債何時償攢眉嬾入社喜逐游俠場君家羣
昆季豔說白眉良亭亭立如鶴顧影頰而長璧人衛叔
寶美女張子房一見意傾倒再見神飛揚我自覺形穢
珠玉況在旁殘年增馬齒媿我十年強交情契金石俠
骨中心藏寄語眾凡鳥啁嘲空成行仰天齊注目獨鶴
高飛翔

海門曲

紫雲千丈衝波起乖龍怒嚇瘦蛟死駭浪搖浴奔海門
轟雷挾日聲魂魄屨樓肆兀疾風掃蠹殘桃實扶桑槁

黃銅磨盪千萬春，餘腥捲入瑤華島。怪石鞭碎血倒流，
河伯衰耗神王愁。鮫人大笑珠已盡，夜光亂閃燒星毬。
棄婦行

睚鳩妒死鷓鴣哭，元颺陡斬連理木。情絲萬縷吹不散，
綰地纏天悲感感。無夫之婦守空房，有夫之婦走他鄉。
低頭掩面別兒去，兩兒涕泗霑衣裳。顏色憔悴心難改，
亂驅精衛填愁海。餓骨能直幾黃金，陽春竟有銅山買。
夢魂繞屋青燈孤，餅師恩絕情不殊。枕衾齷齪小兒叫，
腸斷牆東宋大夫。

感懷用袖石韻

梅莊詩鈔

卷三

三 東觀室

孫陽未過馬羣空，渴驥誰憐汗血紅。交鑄黃金甯貴濫，
策逢青眼不宜工。家風爭據三分鼎，市價偏欺五尺童。
封到爛羊如狗賤，雪窗伎倆尙雕蟲。

送賀星槎入都

驅馬怱怱去，風尖凜不勝。輪銷三寸鐵，河碾一條冰。愛
客惟彭澤，憐才有杜陵。瑯嬛如可到，莫負照藜燈。

王曉林以愛客聞，良朋萃止室。兩椽挑鐙夜話余，
亦廁其中同契者。得十八人各繫六言短章以

識勿諼

結交歌少年行，酣飲酤女兒。酒鄭虔吝惜，黃金領略此。

中樂否

任飲薊

管城有食肉相福時無譽兒癖觥觥說史譚經名士何

多于鯽

解問泉

牢騷非關楚些感慨不繫吳鉤坐上太真失色羞作當

時二流

王介眉

入座無輕詔客應門有甯馨兒俠骨錚錚似鐵逢人豔

說項斯

王曉林

焦遂雄辯高譚荀顛洽聞博古隨風咳唾成珠驅使黃

金如土

王菊農

江淹夢五色筆阮瞻號三語掾拔幟獨領一軍伧看騷

梅莊詩鈔

卷三

十四 東觀室

壇廛戰

姚菊坪

涓于一石亦醉鍾繇八分不書堪號酒仙草聖文人習

氣全除

解秋皋

難兄同入翼序難弟同聽鹿鳴偏與王家交厚亭亭玉

樹雙清

王振青

冰壺三世頭銜金榜十年心血毫端放萬丈光那許儉

父饒舌

姚玉農

落魄似蘇季子豪放如劉伯倫閱盡熱腸冷眼笑他官

鬼錢神

徐浣雲

隱侯擅吟詩癖晉公曰讀書種胸中五岳平填口裏九

河亂湧 沈述之

摩詰詩中有畫輞川畫中有詩天壤復有王郎能以書

法補之 王雪蕉

賦性得桂薑味爲我廢蓼莪篇三軍旗鼓爭鬪一時丁

陸同傳 家葵生

季鷹動秋風興茂先擅博物名食盡螾蜚萬箇文場詞

壘橫行 張鶴卿

白眉誇馬季長青眼遇杜子美京華酒價增高馳逐名

場傀儡 賀星槎

煌煌華胄才多默默吉人詞寡不著文字之中獨得風

梅莊詩鈔

卷三

五 東觀室

流大雅 查挹泉

小蘇酷似大蘇大宋何如小宋顧影翩翩自憐懊惱文

章有用 解又銘

懷素種蕉學書泉明脫巾漉酒十九人中少年不媿雁

行十九 家竹生

梅花

空山滿地起樓臺玉帝殷勤爲我栽乍有香時風引去

絕無人處鶴飛來麤枝常挂千年雪老幹猶存上古苔

賞到此花歎觀止羣芳雖豔不須開

何必千枝更萬枝園林半樹影離奇愁深此處宜酣酒

春老今年合詠詩數點寒生將盡夜幾人看到不開時
天涯綠葉濃陰滿欲折名花持贈誰

此生修得卽神仙獨與林家有夙緣每到黃昏如對月
不逢青眼盡成煙最宜雪裏兼風裏酷愛山邊況水邊
擬向羅浮尋好夢何人此下正高眠

落落芳蹤早閉門斷橋破屋自成村迷離不辨香侵骨
黯澹猶嫌玉有痕獨立深宵時顧影忽聞短笛易銷魂
春光漏洩誰先覺紙帳佳人被已溫

絕世丰姿淺澹妝一生羞殺牡丹王驟寒天氣纔微雪
近水人家又夕陽有月何如無月白出山不及在山香
梅莊詩鈔

卷三

六 東觀室

廣平別具和羹手賦罷誰憐鐵石腸
瑠璃作帳玉成圍霜後清臞雪後肥月上高枝獨含笑
風來半樹欲爭飛美人臨水如窺鏡名士薰香不染衣
莫畫橫斜千萬朵恐防老鶴夜深歸

瘦骨珊珊迥出羣光明世界路難分月來谷口都成水
雪化枝頭欲墮雲尋到夢中還是我交從林下莫如君
何郎別後神傷否東閣于今久不聞

獨臥荒山三十秋凍雲壓屋小于舟偶經雨露仍紅粉
耐得冰霜易白頭眼底茫茫迷去路空中靄靄失高樓
此身位置原無價寄語朱門莫浪求

贈高寄泉旋里

北風捲地天凝霜晨星歷歷寒無光
驪歌嗚咽不成調殘年送客登河梁
行人驅馬過橋去堅冰十丈森如牆
攜手相送無熱客渤海奇士非尋常
束髮弄筆搖五嶽九千文字羅胸藏
泉州寄居遭排擊枳棘不肯棲鸞皇
童子軍中快拔幟文場鏖戰旋騰驤
徐孺早下陳蕃榻盛名沾水流湯湯
皋比坐擁十餘載瑯嬛借讀珍縑緗
駢儷目眯錦五色去其糟粕留汁漿
淮雨別風辨疑似浸淫六籍鳴笙簧
髻齡旣入崔儵室弱冠復設彭宣堂
便便腹皮日以大學高倉父難窺量
更結因緣到香火

梅莊詩鈔

卷三

七 東觀室

欲祈好夢炊黃梁高足弟子來瘦鶴南豐一瓣焚心香
獨與邊韶交最篤愛其神駿年俱忘青睞復遇楊凝式
絳帳肯邀馬季長愛我七字新樂府謬許皮陸兼張王
憶昔相逢把君臂長安酒市飛壺觴漸離擊筑歌感慨
懊儂一曲聲悲涼此情此景已陳迹秋蛩彈指鳴春鶻
東風得意飄杏雨馬蹄又促詩人裝九轉丹成參妙果
仙廚未許凡庸嘗珥筆彤廷邁班馬詞臣著作羞鋪張
或者玉署不相容郎官上應星角亢六曹亦可暫棲足
十年不調卑馮唐不然冬烘仍託託選材拔出俗人行
或膺邑令宰百里循良豫傳今龔黃或官廣文兼三絕

詩詞書畫傳遐方此皆不許人測度冥漠位置由蒼蒼
書生伎倆各有用紛紛傀儡羣登場憐君少孤無所怙
魏舒宅相人占祥賤子與君將毋同九齡失恃心傍徨
無忌安能似其舅力弱難挽干鈞強蓼莪永廢不忍讀
欲陟屺岵何所望羨君畫荻賴母教含飴白髮年無疆
遙想倚閭望子情眼看落日沈蒼茫久客津沽知別苦
何如匹馬還家鄉斑衣戲學老萊舞關情夢寐酸肝腸
君去輒作十日惡君來橫掃千夫狂春光轉盼蘇野草
青青萬縷回隄楊旗亭畫壁詩絕調酒酣擲地金鏗鏘
達夫旣死今復作拍肩呼我劉文房不朽事業關天命
梅莊詩鈔

卷三

六 東觀室

姓名泰華千秋揚

東繆星潭同年

鈞

熙伯情傷薤露歌美人何處弔湘娥癡心欲問金錢卜
敲斷珊瑚第幾柯

答褒石元韻

簡傲君容我襟懷海樣深風鬢宜舞劍月墮罷彈琴詩
草撐仙骨梅花證佛心子昂同范蠡一一鑄黃金
醉極不知醉愁深翻諱愁錢神窮莫禱藥聖病難求黠
鼠齧殘蠟飢鴉啼破樓羊曇真潦倒跂足望西州
妻孥飢不死壞木苦支持故紙鑽難出名場到始知雀

臺鏞漢瓦鴛錦繡袁絲欲把蛾眉畫纖纖恥入時
敗壁飄殘雪晶熒對一燈澹交濃似酒熱客冷于冰高
鳥思先舉長風願早乘腹枵禁不得大口啗紅綾

戲咏門神

鄂公英武邁黥彭叔寶雄姿玉樣清身後誣成千古恨
眼前看透萬家情少文難入高人座不戰徒膺上將名
更有一般趨勢輩官衙爭繪六公卿
不信神仙勢利交新年都把舊人拋守門誰識題文字
媚寵專能攫酒肴蹲踞愁聞獅子吼顛預羞惹燕兒嘲
築成避債臺何處一任催租客亂敲

梅莊詩鈔

卷三

九 東觀室

將軍橫槊復揮矛懷刺相逢莫暗投賴爾衣冠能託足
寄人檐宇敢昂頭瓣香供到監門尉妙果修成戶牖侯
如過翟公舊庭院雀羅張滿有誰收

當年鬱壘共神荼化作迎門二武夫攘寇血噴刀劍利
譚兵風刷鬢毛麤掃除魑魅真奇鬼媒孽英雄是豎儒
一樣泥金春帖子墨痕曾伴舊桃符

